

Marcelino Paesch, Rey di Dande 2008 na Hulanda



PA di 22 biaha fundacion Contacto Arubano Rotterdam (CAR) bao direccion di sra. Erna Diaz a organisa Dande Festival na Hulanda. Esaki a tuma lugar diasabra 27 di december 2008. E aña aki e festival a ser dedica na sr. Miro Ridderstad cu ta un di e pilarnan di Dande na Hulanda. Den su speech Miro a bisa ta masha contento mes cu e dedicatorio aki y su dande el a dedique na su tata na Aruba. MC tabata pa di 6 aña consecutivo sr. Addonsito Croes. E festival a cuminsa cu e Himno di Aruba canta pa Oslin Tri-

mon sigui pa un baile cultural pa grupo Nos Sonrisa di sra. Lisette van Trigt. Nan a baila dos cancion: Oh, What a Night (Tino Ruiz) & Nos Cultura (Sharon Rose).

E participantenan di e aña aki tabata: Michelle Thijssen, Mirtha Giel, Marcelino Paesch, Miro Ridderstad, Benito Helder, Solange Trimon, Luis Figaroa, Marylou Trimon, Anthony Biker y Alex Trappenberg. Nan a ser acompaña p'e banda Herencia Cultural bao direccion di Oslin Trimon.

Miembronan di hurado tabata:



Brenda Nogera, Sonia Ruiz, Willy Dja-Oeng, Dennis Geerman y Sydney Kock como presidente di hurado.

Un tremendo presentacion a ser duna dor di e banda gaitero Saborrri Gaitero di Anthony Giel.

Sra. Sixta Trimon a ricibi un regalo special for di sra. Erna Diaz di CAR pa su sosten semper na

eventonan cultural di Aruba.

E dia tipico aki tabata un bez mas un exito hopi grandi pa nos Arubianonan na Hulanda.

E resultado: Na di 5 puesto, Michelle Thijssen; na di 4 puesto: Luis Figaroa; na di 3 lugar, Miro Ridderstad; na di 2 lugar: Alex Trappenberg y ganador 2008 ta Marcelino Paesch.

Representante di Arubahuis-Den Haag sr. Sydney Kock a

hiba palabra y den nomber di Ministro Plenipotenciario di Aruba sr. Frido Croes el a felicita fundacion CAR cu e celebracion di nos dande. Tambe el a desea nos publico presente un Bon Aña 2009. Sra. Erna Diaz di CAR kier a gradici tur sponsor y tambe un y tur cu a haci e festival aki posibel. Un pabien na nos participantenan y finalistanan y Danki pa tene Aruba su cultura na halto!